

原刊影印

民國佛教期刊文獻集成

任繼愈題



民國佛教期刊文獻集成

任繼愈題

第 176 卷



海潮音

中國書店

要目 中華民國十九年八月

現實主義……(續上期)……	太虛
成唯識論講略……	寬蒼譯
時論彙評……	太虛
世界之活剖問題……	世界新聞社
中國佛教歷史博物館概況一覽……	如皋菩提社
支那內學院請來蕃藏始末……	克明
佛典略說……	梅光義
常惺法師與呂碧城居士佛法問答書……	
范左青居士與某君論戒邪淫書……	
王恩洋居士示學生西蓮書……	

海

潮

音

第十卷 第八期

秦縣佛教教居士林經理

海潮音月刊社募集基金啓

閻浮提人。香味光明。不作佛事。賴以依止。厥維言教。然方言未融。聲浪有限。豎窮橫絕。文字尙焉。我佛說法。三百餘會。鐵圍結集。橫塞鹿苑。震旦著述。充滿龍藏。人壽幾何。算沙徒歎。後有作者。得乎蛇足。雖然。人海者機。網目者教。歸元無二。方便多門。四論十支。發揚性相。三部五教。無礙台賢。文事佛事。不一不二。隋唐而降。聖道陵夷。著詞章者。溺於支離。薄名相者。陷入顛頂。枯寂於禪。禪壞其禪。迷信於淨。淨染其淨。儻侗於教。教失其教。釋迦已去。彌勒未來。嗟我羣倫。聾盲誰悲。加以天演噩夢。迷悶神州。社會怒潮。飄搖冰海。羣兒舞火。四面俱焚。惡鬼吮血。十方同慨。是非高張法幢。橫磨慧劍。何以摧邪顯正。度世救生。覺社同人。自忘譴陋。民國七年。季出叢書。五期滿足。易爲月刊。名海潮音。作暗室燈。議論公開。思想互助。上承絕學。下應潮流。慘淡經營。於茲十載。在杭在滬。遷漢遷京。來鴻去燕。候煖謀生。其迹可笑。於情堪哀。經費收支。雖應桴鼓。基本虛懸。難免曇花。會議結果。集二萬金。存儲生息。藉資周轉。夫以五洲之大。物質之雄。人心之須。佛化之貴。此一線慧命。不能滋養之。雖爲敝刊之咎。甯非世界之羞。所冀大力宰官。多金長者。共出身手。廣施法財。心燈一照。光明無窮。我佛有靈。拈花微笑。此啓。

佛曆二千九百五十七年海潮音月刊社同人頂禮

如有發心捐助者。款寄泰縣南門內回子牌坊泰縣佛教居士林收。

海潮音月刊目錄

第十一卷 第八期

民國十九年八月發行

圖像

- (一) 大勇法師遺像 附募建靈骨塔啓
- (二) 太虛法師與李了空居士合影
- (三) 南京支那內學院敬迎藏文藏經攝影

佛學通論

現實主義……………(續七期)……………太虛

唯識論講略……………日本井上玄真著閩南佛學院寬蒼譯

時論彙評……………太虛

佛教史料

世界之活剖問題……………世界新聞社

中國佛教歷史博物館概況一覽……………如皋菩提社

海潮音 第十一卷 第八期

一

南京支那內學院請來蕃藏始末.....克明

四川佛教近訊彙誌.....錄四川佛化特刊

班禪祕書澤仁君過京赴瀋.....首都通訊

平湖唐塔發現前代寫經記.....錄新聞報

法海談叢

佛典略說.....梅光羲

法界通訊


常惺法師與呂碧城居士佛法問答書.....

范左青居士與某君論戒邪淫書.....

王恩洋居士示學生西蓮書.....

各處上社長函.....

大勇阿闍黎遺像



南天真乘 藏日異響

會流歸一 惟師願廣

高野回鑾 康藏重訪

扶律高風 千載同賞

瞻禮道貌 心焉向往

朱慶瀾敬題

十九年七月

募建大勇阿闍黎靈骨塔捐啓

大勇阿闍黎於己巳年八月初十日在廿孜示寂其弟子大剛法尊法師等來函報告人天道想縑素銜悲佛法前途影響匪淺茲將阿闍黎生平事迹撮敘大略阿闍黎俗姓李四川巴縣人畢業某校適值辛亥之役奔走革命卓著勳猷嗣掌軍法執法不阿有不能竟行其志者懷悟世法無常遂投太虛大師出家旋受具戒於金山寺習內典於五台山復往東瀛研求密宗力開風氣既得阿闍黎學位應吳越楚蜀各地佛教會之請傳法灌頂徒衆數千民國十三年入舊京設藏文學院於慈因寺翌年夏率弟子三十人入藏再求密宗備歷艱險始達廿孜因未得達賴喇嘛同意難以前進先後駐川邊打箭爐及廿孜札迦寺依札迦喇嘛爲師勇猛精進不惜生命譯著宏富已寄歸數種正待次第刊布而積勞日甚學不厭教不倦外與檀越周旋內則經紀日用卒之心力交瘁爲法亡身曷勝痛悼其弟子等現仍遵奉遺囑繼續留學十年他日於佛法稍有裨益則木本水源是皆阿闍黎之功也茲擬於打箭爐下地修建塔院奉安靈骨暨舍利子百餘粒藉崇盛德以報師恩庶弘法之紀念賴以昭垂衆學人之悲思得以稍慰於式來茲彌勒精進西藏佛教師爲最曾矩範之嚴重於事佛蓋因佛法廣大賴師而傳佛未親值師則躬承故生前恭頌承事逝世則建塔供養况勇師不避艱阻入藏求法顯追玄奘之風密鑒金剛之派繼往開來普利人天爰糾同人公同勸募伏願慨施淨財爲衆擎之生導建立寶塔賴同志以莊嚴至於曾受皈依戒之弟子及曾受灌頂印明一尊供養十八道諸法之四衆尤具殊勝因緣自應盡力擔荷能多多則善緣無量即少少亦福不唐捐謹啓

如荷檀施請於十九年十二月三十一日以前逕郵匯川邊打箭爐跑馬山留藏同學會大剛法師彙收北平由朱子橋先生負責收款交西長安街惠通禮物莊經收單取收條爲憑

發起人


釋常惺 韓慶潔 楊萬春 張松齡 梁定齡 朱耀煌 徐鴻寶 王齡 葉九齡 釋淨恆 釋松 釋覺超 釋光學 釋源光 釋台源 釋襄源 錢世祿 孫榮祿 唐鈞 萬鈞 張士瀾 韓廷武 夏明恕 葉超學 釋覺光 釋源光 釋台源 釋襄源 錢世祿 孫榮祿 唐鈞 萬鈞 張士瀾 韓廷武 夏明恕

同啓

影 合 龍 普 士 屋 室 丁 李 國 師 法 德 太



影 攝 會 大 醫 漢 文 藏 迎 敬 院 學 內 部 安 京 南





佛學通論



現實主義

(續第七期)

太虛

第三節 因緣佛剎

因緣佛剎概論。現實成事。一爲有情身器。二爲超情佛剎。前已說因緣所生之有情身器。今當說因緣所生之超情佛剎。按俱舍論嘗以賢聖品慧品定品之三品明之。有情身器之生起也。業爲近緣。惑爲遠緣。而所生之果爲苦果。超情佛剎。慧爲近緣。(慧卽般若)近能斷惑。證眞發諸清淨。行故禪定及施戒忍等爲遠緣。遠能伏惑。資發清淨。慧故所生之果爲常恆清淨自在之樂果。所謂涅槃寂靜樂。菩提覺法樂。及法身圓滿樂是也。亦卽爲五果中之離繫果。異熟果唯在於有情身器。離繫果唯在於超情佛剎。而等流土用增上之三果。則與「親因」及「三助緣」相望。可通於有情身器與超情佛剎。不證離繫之果。則無常覺之樂。必斷異熟之果。乃除生死之苦。斷果爲眞解脫。證果爲大菩提。此之勝果曰二轉依證有證之因緣。斷有斷之因緣。非無端突然之所致。然此重在說明以何爲緣而致離繫之果。雖不離自種生自現自現生自種之等流因果。亦尙非此節之所專論也。

四諦與修三增上學

知苦斷苦之集。證苦滅修證滅之道。證苦滅爲得離繫果。餘爲得離繫果勝緣。知苦卽是知異熟果。皆有老死諸苦。斷集卽斷除集起異熟果之業與惑。證滅卽爲證離繫果。能知能斷能證之勝緣。皆在於修道。道卽菩提（正覺）所修之菩提分。可攝爲戒慧三增上學。其基礎在確持正見而立正信。換言之。卽在論知異熟之苦。而確信之分說爲四念住。

一觀身不淨……觀自身他身動植礦諸色聚。皆僞醜可厭。

二觀受是苦……觀受人天等樂。亦皆壞苦行苦。

三觀心無常……觀有爲行心。亦流轉無常。

四觀法無我……觀成事蘊素等。皆無自由主宰之力。

此四皆增上之慧學。心心明記安住此淨慧中。止滅其違損淨慧之惡行。生長於順益淨慧之善行。則屬於尸羅（正譯清涼意譯戒或律儀）增上學之四正勤。

一已生惡令滅

二未生惡令不生

三未生善令生

四已生善令增長

四如意足、五根、五力、七菩提分。皆定與慧之增上學。定根、定力及輕安、定捨。皆定學之增上相。增上者殊勝也。由正見正信而修習之戒定慧。不同世間之倫理學（戒）及靜坐法（定）與理智學（慧）故云增上。

而增上定學。亦謂之增上心學。卽心識（精神）之和平統一。謂之曰定。定心成就。能顯精神偉大之力。轉移心理。以至心理物理。使皆隨之發生變化。足以證明萬有唯心變現之理。（定所引色）成爲事實。故世人往往以得定心爲得道。亦以定心爲不可思議神祕事。然在佛學之系統中。定心亦爲伏惑資發淨慧之勝緣耳。由前之慧戒定三增上學。至七菩提分。發生無漏慧斷惑而證真。如是謂見道。進修三增上學。平均之八正行。更斷餘惑。窮證眞理。謂之修道。由是斷證漸臻究竟。至無學位。卽成涅槃菩提之離繫果。此通三乘以爲言也。有經合三乘行果而說通十地。卽乾慧地、性地、八忍地、見地、薄地、離欲地、已辦地、辟支弗地、菩薩地、佛地是也。

七賢與四向四果

其正信見能提戒律。將造修於增上定慧。由七賢位向於四果。（辟支弗乘傍此而立無引開建）先五停心。終以世第一位之預流向。七賢位五停心者。收散放之心。暫停止於一境也。梵毗鉢舍那。此云觀。梵語奢摩他。此云止。止「能觀心」於「所觀之一境」。隨病制方法。凡五。

一多貪淫者。觀念身穢。

二多嗔害者。觀念慈恕。

三多癡執者。觀念緣起。

四多昏散者。觀念呼吸。

五多障緣者。觀念佛陀。

隨自所宜。慣習其心。使停住所觀之一境。既能靜止。乃依止而習觀。

一別相念有四。卽於自別觀身受心法之不淨及苦。無常無我。二總相念有一。卽於自他總觀身受心法不淨及苦。無常無我。由此增進有四加行。（倍加功力之修行）

一 煖……爲定中慧火將生之先兆。

二 頂……爲定力之頂點。

三 忍……爲定慧之已能忍住。此又分下中上三忍。

四世第一……爲世間最高位。過此卽證超世之聖。觀當界上界之四諦。於忍許位及智徹位。分四法忍及四法智。與四類忍及四類智。入忍七智而智猶缺其一。爲世第一位亦爲預流向。入忍八智具足。卽斷惑證真。而得預流果。從五停心至世第一。曰七賢位。

世第一卽爲預流向。入眞見道。（卽見四諦）斷分別我執所起煩惱障。遂預聖流。成預流果。（須陀洹）爲斷證之初步。然至此則有進而無退矣。唯在人天。不復墮四惡趣。由是進修爲一來向。證一來果。（斯陀含）則於欲界人天。唯一來而不再生矣。進修爲不還向。（阿那含）證不還果。則生色界無煩等天。不還來欲界人天矣。進佛爲無生向。證無生果。（阿羅漢）則再不於三界受生死矣。此小乘得涅槃離繫果之行也。

境行果與三祇五位 佛學通說境行果三。爲得離繫果之次第。境卽能詮之教。與所詮理。研教明理。照達現實事理。此卽爲所觀境。亦爲聞思慧悟解之境也。於境能正解而正信。要先歷修十信心位。養成習

所成之種性。於是正信成立。發求無上菩提之堅固大心。乃入三祇五位。初阿僧祇劫有三位。(一)資糧位。分十住十行十回向之三十位。

發心住……此住由前十信心成。十信心者。信心、念心、精進心、慧心、定心、不退心、回向心、護法心、戒心、願心是也。

十住
治地住
修行住
生貴住
具足住
正心住
不退住
童真住
法子住
滯頂住

十行
歡喜行
饒益行
無違逆行
無屈撓行
無癡亂行
善現行
無著行
無得行
善法行
真實行

十回向
救護一切衆生回向
不壞回向
等一切佛回向
至一切處回向
無盡功德回向
入一切平等回向
隨順衆生回向
真如相回向
無縛無著回向
法界無量回向

此三十位中。以修積隨順解脫之福慧等(卽布施等六度)資糧爲事。故名曰資糧位。(二)加行位。此同小乘煖頂忍世第一之四。然所修之觀智不同。定慧亦因之而大異。由四尋思觀。引四如實智。甚深決擇諸法。證法空性。故此亦曰順決擇分。從發心住至此。猶是賢位。(三)通達位。曰見道分。有真見道及相見道。從世第一引生出世無分別智。辨證徧行真如。曰真見道。於次剎那仿真見道而觀四諦諸法。曰相見

道。總爲此通達位。入通達位。始證大乘聖果。滿初阿僧祇劫。登極喜地。進於第二阿僧祇劫。(四)修習位。卽是十地。

通達位 一極喜地……亦曰歡喜地

二離垢地

三發光地

四燄慧地

五難勝地

六現在地

七遠行地

八不動地

九善慧地

十法雲地

佛地 等覺地

第二阿僧祇劫

第三阿僧祇劫

極喜地。至不動地。爲第二阿僧祇劫。不動地。至十地。圓滿而入佛地。卽爲第三阿僧祇劫。法雲地與佛地之間。亦有別立等覺地者。然等覺地卽法雲地。入住出之出相。故合於法雲地。不須別立。解深密經等。連佛地說十一地是也。(五)究竟位。此卽佛地。爲最究竟之離繫果。亦爲最究竟之超情。佛刹亦爲眞解大菩提之三轉依。

三慧與三智 慧之與智。名異實同。然亦可例「行支」「有支」於未潤位之業曰「行」。於已潤位

之業名「有」於未強智名慧。於增盛慧名智。亦復如是。業通善染或漏無漏。慧亦通於善染及漏無漏。然異熟果業感之力爲勝。果亦是業。故於「業」須爲精細之分別。今離繫果則以「智慧」爲能得之勝緣。果亦是智。故亦須於智慧爲精細之分別。云三慧者。卽聞所成慧。思所成慧。修行成慧。是簡稱聞慧。思慧。修慧。聞持遺傳教法所成之慧。謂之聞慧。功在記持文義。依所聞持文義諦觀現實事理。亦依現實事理。審察聞持文義數數思維發生。推比決知。謂之思慧。依聞思慧。矯正身語意等行業。檀那尸羅。羼提。毗離耶。及修禪那。使聞思慧轉加增盛明淨。謂之修慧。此三慧能養成三乘之習。所成種性。例瑜伽論。於聲聞等地之前。說聞所成等三地。今專就大乘言。則攝大乘論等。謂聞法界等流法。已聞所成等數熏習。故漸能發深固心。趨求悟入。卽說由此三慧。能成就十信心。入初發心住也。從是增進。歷十住十行十回向。集諸福智資糧。亦爲修慧之事。經此長劫。灌溉滋潤於慧種中。智芽怒萌。遂由三慧進論三智。云三智者。一、加行智。二、根本智。三、後得智。此三統云無分別智。以出過世間分別故。（卽超情義）加行智在四加行位。雖尙爲世間智。然加行智前二通於資糧諸位。後後通於修習諸地。近見道時。加行相顯。別立四加行位。非加行智。但在地前。四加行位亦通地上。名無分別。又諸位中修加行智。莫不無間深觀。二空無分別性。努力趣證。故皆得名無分別智。由四加行位之加行智。無間引生根本無分別智。已後於諸地起加行智。皆是無間行生根本智者。故名無分別智。親證根本之智曰根本智。爲一切法根本者。卽眞如。正證眞如名根本智。眞如是无分別。故證眞如之根本智。正名無分別智。而後得智由根本智所行生故。出世間故。亦名無分別智。三慧及加行智。是因後之二智。亦因亦果。因從初聞正法。通至法雲地滿。